



Ciasa de Palsa Ojöp Frëinademetz A.P.S.P.

Seniorenwohnheim Ojöp Frëinademetz Ö.B.P.B - Residenza per Anziani Ojöp Frëinademetz A.P.S.P.
39030 St. Martin in Thurn/San Martino in Badia - Str. Pinis 50
Tel. 0474/524700 - E-mail: info@ciasadepalsa.it - Pec: ciasadepalsa@pec.rolmail.net
cod. fisc. -Steuer-Nr.: 81005490214 - partita IVA - MwSt-Nr.: 00554690214

BANDIDA DE CONCURS PUBLICH

Concurs publich cun le prozedimënt de mobilité anter ènc por la curida de 3 (trëi) posc de rode a tëmp parzial/plëgn sciöche operadú/ëssa sozio assistenzial/a (profil profesional nr. 38 – V. cualifica funzionala) - resservá al grup linguistich ladin.

LA TOMANZA POR LA PRESENTAZIUN DLES DOMANDES DE AMISCIUN É:
30.04.2025 dales 12.00

La Ciasa de Palsa Ojöp Frëinademetz A.P.S.P. scrí fora n concurs publich cun le prozedimënt de mobilité anter ènc por la curida de 3 posc sciöche:

**operadú/ëssa sozio assistenzial/a
(profil profesional nr. 38 – V. cualifica funzionala)**

De chisc:

- 1 n post a tëmp parzial 50%
- 1 n post a tëmp parzial 76,32%
- 1 post a tëmp plëgn.

I posc é **resservá al grup linguistich ladin.**

1. DESPOSIZUNS GENERALES

Por le concurs en chestiun vel les desposiziuns contignüdes te chësta bandida. Por ci che n'é nia preodü te chësta bandida él da fá referimënt ales desposiziuns tl Regolamënt dl personal dla Ciasa de Palsa Ojöp Frëinademetz A.P.S.P. di 23.07.2024 y ales desposiziuns varëntes.

L'aministraziun garantësc la parité de él y èra por gní tuc sö en sorvisc y sön le post de laur sciöche preodü dal decret legislatif di 11.04.2006, nr. 198.

Aladô dl art. 6 dl D.P.R. nr. 487/1994 y mudaziuns é ai 31.12.2024 la perzentuala de rapresentanza maschila por la cualificaziun scrita fora ecuivalënta a 0% y la perzentuala de rapresentanza feminila ecuivalënta a 100%. Sce la desfarënzia anter i sesc fej fora plü co le 30%, costituësc la portignënza al grup manco rappresenté titul de preferënzia, sciöche dé dant te chësta bandida.

Implü garantësc l'aministraziun l'aplicaziun dles desposiziuns tla materia dla sconanza di dac preodüdes dala lege nr. 196 di 11.04.2003 tla verjiun varënta y ince dal Regolamënt EU 2016/679 di 27.04.2016 tla verjiun varënta.

Chësta bandida tègn cunt dla normativa por i soldas dles Forzes Armades Talianes che á rové so sorvisc zënsa demiric. Aladô dl articul 1014, coma 3 y 4, y dl articul 678, coma 9 dl decret legislatif nr. 66/2010, él preodü da resservé le 30% di posc ai volontars dles Forzes Armades.

Le concurs vëgn scrit fora tignon cunt di benefici preodüs dala lege nr. 68 di 12.03.1999 a bëgn dles categories sot a proteziun.

Al concurs vëgn ametüs/des i/les concorënc/tes de düt i trëi grups linguistics, independentamënter dala resserva di posc nominá dessura, tan inant che ai á i recuisic damaná.

I posc scric fora é resservá al grup linguistich ladin.

I posc resservá al respetif grup linguistich, che resta vacanc por mancianza de candidat/tes o concurënc/tes adatá/des por l'assunziun, pó gní assegna a n/na candidat/a adaté/da portignënt/a a n ater grup linguistich, sce le proporz etnich vëgn respeté complessivamënter sciöche calcolé en basa ales desposiziuns varëntes.

2. TRATAMËNT ECONOMICHE

Aladô dl contrat coletif atual él preodü por chësc post le suandënt paiamënt brutto mensil:

- a) paiamënt mensil inizial dla V. cualifica funzionala de Euro 965,97-, lapró la tredejima mensilité aladô dl contrat coletif intercompartimental en forza;
- b) indenité integrativa speziala dla V. cualifica funzionala aladô dl contrat coletif intercompartimental en forza;
- c) indenité de bilinguism aladô dl art. 6 dl'acordanza en forza por le renovamënt dl contrat coletif intercompartimental di 04.12.2019, sciöche ince l'indenité por l'adoranza dl lingaz ladin;
- d) indenité d'istitut dl 28% che corespong a Euro 270,47-.
- e) atres indenités tan inant che ares speta.

Dal tratamënt economiche suradit vëgnel trat jö les detraziuns preodüdes dala lege.

Ai posc a tëmp parzial ti speta le paiamënt sciöche dessura en relaziun ales ores de laur fates. Dal paiamënt suradit vëgnel trat jö i contribuc previdenziai, assistenziai y fiscai preodüs dales leges.

3. RECUISIC POR L'AMISCIUN

Por l'amisciun al concurs vëgnel damané de ester en posses di recuisic suandënc.

I recuisic damaná mëss ester dan man ala data de tomanza por la presentaziun dles demandes de amisciun al concurs stabilida da chësta bandida de concurs, sciöche ince al momënt dla sotescriziun dl contrat de laur.

1. Zitudinanza

Zitudinanza taliana o zitudinanza de n ater stat mëmber dl'Uniun Europeica; al pó ince tó pert i familiars de zitudins/nes dl'Uniun Europeica, ince sce zitudins/nes de stac terc, cun le dërt de sojornanza o le dërt de sojornanza permanënta. Al pó ince gní tut sö i zitudins/nes de paisc terc che é en posses dla lizënsa de sojornanza UE por sojornanzes de lungia dorada o che á le status de muciadú/dësses o che á le status de proteziun sussidiara (art. 38 D.Lgs 30 novëmber 2001, nr. 165, sciöche modifiché dal art. 7 dla L. 6 agost 2013 nr. 97);

2. Limit d'eté

Eté nia mëndra de 18 agn.

3. Idoneité fisica por fá le laur

Idoneité fisica por le laur y por les mansciuns spezifiches preodüdes por le profil profesional en chestiun. Aladô dl D.Lgs 9 aurí 2008, nr. 81 á l'aministraziun la facolté da ti fá fá ai dependënc che gnará tuc sö na vijita de control pro le dotur de compëtenza por confermé l'idoneité da fá les mansciuns che ti gnará surandandes.

4. Godimënt di dërc zivii y politics

O plü avisa, de ne avëi degönes prozedöres en at che, aladô dles desposiziuns de lege varëntes, ne impe-dësc le posses.

Aladô dl art. 2 dl D.P.C.M. di 7 forá 1994, nr. 174, mëss i/les zitudins/nes nia taliagn/talianes avëi i suandënc recuisic por podëi avëi azes a posc de laur tl'aministraziun publica:

- le godimënt di dërc zivii y politics ince ti stac de zitudinanza (fata ezezun por chi che é titolars dl status de profugs o dl status de proteziun sussidiara);
- le posses, fata ezezun por la zitudinanza taliana, de duc i atri recuisic preodüs por i/les zitudins/nes dla Republica Taliana.

5. Imunité da condanes

Al ne pó nia gní tut sö porsones che é gñüdes stlütes fora dal dërt de l'ita atif, sciöche ince chères che é gñüdes destituides o alediades dal laur pro n'aministraziun publica por n rendimént insufiziënt permanënt, aladô de normes dl setur, o gñüdes desmetüdes por les medemes rajuns o por motifs disciplinars aladô dla normativa de lege o contratuala varënta o che é gñüdes lasciades jí deache ares é gñüdes tutes sö o á ci-afé la nominaziun por presentaziun de documënc falsificá o zënza valur sciöche ince por condanes jüdes en forza por n fat penal che impedësc n'assunziun pro n'aministraziun publica. Porsones che á en at prozedöres penales o prozedöres aministratives por apliché mosöres de segurëza o prevenziun o che á albù prezedënc penai por süa colpa scric ite tl register penal, aladô dl articul 3 dl decret dl Presidënt dla Republica di 14 de novëmber 2002 nr. 313, mëss le comuniché al momënt dla candidatöra y dé dant avisa la data dl provedimént sciöche ince la magistratöra che l'á dada fora o pro chëra che al é n eventual prozedimént penal pendënt.

6. Atestat de bi/trilinguism

dé fora aladô dl D.P.R. di 26 de messé 1976, nr. 752 y suandëntes modificaziuns, por le livel B1 (ex C).

7. Grup linguistich

Portignënza o agregaziun a un di trëi grups linguistics preodüs dal art. 18 dl D.P.R. 26.07.1976 nr. 752 y suandëntes mudaziuns y integraciuns.

8. Titui de stüde

- diplom dla scora mesana o dla scora elementara y implü
- diplom da operadú sozio assistenzial/a o
- diplom da assistënt ala jënt atempada/ales families cun implü diplom da assistënt a porsones cun handicap.

Por le azes por mobilitè verticala vel les desposiziuns dl art. 74 dl'acordanza intercompartimentala di 12.02.2008 sciöche ince l'art. 33 dl test unich dles acordanzes de compart por i dependënc de Comuns, dles Comunités Comprensoriales y dles A.P.S.P. di 02.07.2015.

4. DOMANDA DE AMISCIUN

La domanda de amisciun al concurs publich, scrita sön formulars de papier scëmpl y metüda a desposiziun dal'aministraziun, mëss gní adressada ala Ciasi de Palsa Ojöp Frëinademetz A.P.S.P. y dada jö **anter les 12.00 h di 30.04.2025**. Sciöche data de presentaziun dla domanda d'amisciun vel chëra dla protocolaziun. Le timber dl ofize dla posta n'à DEGÖNA valüta.

La domanda de amisciun o i documënc che röia fora de termo por guajes postales, telegrafiches, por colpa de terc, por guajes de forza plü alta o por guajes dl caje, ne vëgn nia tuta en consideraziun y le/la candidat/a vëgn stlüt/a fora dal concurs publich.

La domanda de amisciun mëss gní scrita aladô dl formular injunté ala bandida de concurs y contigní dötes les informaziuns che le/la candidat/a mëss dé dant aladô dles normes varëntes.

4.1 DETLARAZIUNS

Por podëi tó pert al concurs pó i/les candidac/tes adoré detlaraziuns sostitutives aladô di artt. 46 y 47 dl D.P.R. di 28.12.2000, nr. 445; scron fora le formular prestampé te dötes sües perts.

En alternativa pó i i/les candidac/tes presenté la domanda de amisciun scrita jö sön papier scëmpl, sön chëra che ai/ares mëss, sot a süa responsabilité y cun tuta de conescënça de ci che al é preodü dal art. 76, dl D.P.R. di 28.12.2000, nr. 445 y dal art. 495 dl Codesc penal tl caje de informaziuns falzes dades dant te documënc y detlaraziuns falzes, sciöche ince de tomanza de vantaji ciafá por n provedimént tut sólo basa de detlaraziuns falzes (art. 75 dl D.P.R. di 28.12.2000 nr. 445), dé dant les detlaraziuns suandëntes aladô di artt. 46 y 47 dl D.P.R. di 28.12.2000, nr. 445 che reverda:

a) cognom, inom y codesc fiscal;

b) data y post de nasciüda;

c) situaziun de familia (nia maridé/maridada o maridé/maridada) y le numer de mituns a ciaria;
d) residënza, numer de telefon, misciun e-mail (eventualmënter misciun PEC);
e) d'ester zitadin/a talian/a o de avëi la zitadinanza de n stat mëmber dla Uniun Europeica (dé dant de ci stat);
<p>o:</p> <ul style="list-style-type: none"> - de ester familiar de n/na zitadin/a dl'Uniun Europeica, che á le dërt de sojornanza o le dërt de sojornanza permanënta (art. 38 D.Lgs di 30.11.2001, nr. 165, modifiché dal art. 7 dla lege di 6 agost 2013 nr. 97) cun indicaziun dla zitadinanza dl'familiar; - de ester zitadin/a de païsc terc, cun la posiziun iuridica de sojornant/a a lungia dorada o le status de proteziun sussidiara; - ma por n/na zitadin/a de un di stac mëmbri dl'Uniun Europeica o por le familiar de n/na zitadin/a de un n stat mëmber dl'Uniun Europeica, che á le dërt de sojornanza o le dërt de sojornanza permanënta, o por n/na zitadin/a de stac terc, che é en posses dla lizëンza de sojornanza UE por sojornanc/tes a dorada lungia o che á le status de proteziun sussidiara (art. 38, D.Lgs 30 novëmber 2001, nr. 165, sciöche modifiché dal art. 7 dla lege 6 agost 2013, nr. 97): che é en posses di dérc zivii y politics ince tl stat de portignënza o de proveniënza o de ne i avëi nia don dant i motifs;
f) de avëi le dërt de lîta politich atif y le comun olache le/la candidat/a é scrit/a ite tles listes electorales o i motifs por ne ester nia scrit/a ite o cancelé/ada dales listes nominades;
g) de avëi albü eventuales condanes penales;
h) de ne ester mai gnü/gnüda destituí/da o de ne ester nia gnü/da lascé/lasciada jí pro degöna aministraciun pubblica;
i) l'eventuala portignënza ales categories de personnes cun handicap aladô dla lege nr. 68 di 12.03.1999, don dant la perzentuala de invalidité y spezifican l'iscriziun tles listes dl colocamënt obligatore sciöche preodü dal art. 8 dla lege 12.03.1999 nr. 68;.
j) ma por i candidac de ses maschil: la posiziun ti confrunc dles oblianzes militares, don dant la perioða dl sorvisc da soldá efetif fat, de cherdada ales ermes, de sorvisc zivil o de sorvisc sostutif dl sorvisc da soldá, y i.i., cun la posiziun rewardënta o degré albü por podëi valuté chësta perioda sciöche perioda de laur a duc i efec;
k) de avëi le dërt dla resserra di posc por militars aladô dl D.Lgs nr. 66/2010;
l) avëi le titul de stûde damané por la candidatöra al post, cun indicaziun dl istitut pro chël che al é gnü arjunt, l'ann de emisciun, le numer di agn de scora frequentá y superá, la nota o la valutaziun ciafada;
m) ester en posses dl atestat de compétënza di lingac talian, todësc y ladin dl livel C, sciöche preodü dal art. 4 dl D.P.R. di 26.07.1976, nr. 752 o plü avisa "B1" aladô dl chëder de referimënt europeich en comunanza cun i lingac (CRECL) o n atestat aladô dl decret legislatif di 14 de ma 2010, nr. 86 (injunté la documentaziun rewardënta);
n) da ester eventualmënter a desposiziun da azeté ince, unicamënter o daldötnenia posc cun rapport de laur a temp parzial;
o) l'impëgn da azeté zënza degöna resserra les condizioni contignüdes tl ordinamënt dl personal dla Ciasa de Palsa, varënt al momënt dla nominaziun y dl dagni;

- p) de avëi titui de preferënsa eventuai tl caje de parité de mirit aladô dl art. 5 coma 4 y 5 dl D.P.R. nr. 487/1994, sciöche ince dá dant tl formular de domanda de amisciun, injunté a chësta bandida de concurs;
- q) titui de sorvisc eventuai.

Implü mëss la domanda contigní:

la misciun avisa a chëra che la Ciasa de Palsa podará mené les comunicaziuns che reverda le concurs, ti-gnon cunt che dötes les mudaziun dla misciun che antervëgn cina la fin dla prozedöra de concurs mëss gní lasciades alsavéi.

La Ciasa de Palsa ne sorantól degöna responsabilité por misciuns dades dant falades, nia completes o che ne corespogn nia plü ala situaziun tl momënt che al vëgn mené la comunicaziun.

4.1 DOCUMËNC DA INJUNTÉ

a) La detlaraziun de portignënza o agregaziun a un di trëi grups linguistics aladô dl art. 18 dl D.P.R. nr. 752 di 26.07.1976 y mudaziun y integraziuns suandëntes (**TE NA BUSTA STLÜTA**) che á la data nia plü vedla de 6 mëisc dala data de emisciun.

Al fej ezeziun les porsones che n' á nia la residënza tla Provinzia de Balsan y che detlarëia chësc tla domanda de amisciun. Ares á le dërt da fá la detlaraziun de portignënza o agregaziun a un di trëi grups linguistics y da la dé jö al scomenciamënt dla pröma proa de concurs. Sce na persona á intenziun da se fá avarëi chësc dërt (y á detlaré tleménter chësc tla domanda de amisciun al concurs) ne pó la pröma proa d'ejam nia mëte man dan les 12.00 dl de stabilí por chësta.

Chësta detlaraziun vëgn dada fora dal Tribunal Provinzial da Balsan, Plaza Tribunal – azes dala pert Stra-da Duca D'Aosta (numer de telefon 0471-226312-3).

b) Por podëi tó pert al concurs él da paié le contribut de partcipaziun de Euro 10,00 (diesc), aladô dl art. 1, coma 111 dla Lege nr. 107/2015. Le paiamënt pó ma gní fat cun le sistem pagoPA tres le portal ePays (<https://it.epays.it/>) chirin fora:

- la seziun "pagoPA®-Zahlungen"/o por talian "Pagamenti pagoPA®",
- l'ënt por todësch "Seniorenwohnheime – ÖBPB" y spo "Seniorenwohnheim Ojöp Frëinademetz ÖBPB" / o por talian "Residenze per Anziani – APSP" y spo "Residenza per Anziani Ojoep Freinademetz",
- le sorvisc (Dienstleistung/Servizio) „Verschiedene Zahlungen“ /o por talian Pagamenti diversi,
- dé dant la causala "**Wettbewerb Sozialbetreuerin 2025**" y scrir fora döt ci che vëgn damané.

Dedô él la possibilité da fá le avis pagoPA y fá le paiamënt pro na portina de paiamënt pagoPA (p.ej. banca, posta, tabacaria) o tres home banking o da jí inant sön le portal y fá le paiamënt online cun druché sön "In den Warenkorb" o por talian "Aggiungi al carrello".

Fotocopia dla chërtä d'identité sce la domanda vëgn menada por posta, dada jö da na terza porsona e menada por posta zertificada PEC).

Presentaziun dla domanda tres PEC

Chi che mëna la domanda ala miscun ciasadepalsa@pec.rolmail.net tres süa misciun de posta eletronica zertificada (PEC) pó dé jö de fat la detlaraziun de portignënza o agregaziun a un di trëi grups linguistics – tla verjiun originala y te na busta stlütä – ince do le termo por la presentaziun dles demandes de amisciun (mo nia do la data dla proa d'ejam scrita o dla pröma proa), a condiziun che tla domanda vëgnel dé dant che la detlaraziun é bele gnüda relasciada anter le termo por la presentaziun dla domanda.

Sce tl caje de devënta dl concurs resultëia che la detlaraziun de portignënza a n grup linguistich é gnüda relasciada do le termo por la presentaziun o n' é nia varënta por atres gaujes, n'é le resultat dl concurs nia varënt y al toma le dërt de assunziun por mancianza dles condiziuns de amisciun. Al ne pó nia gní tut en consideraziun le documënt che é gnü ma mené sciöche copia tres fax o tl format PDF y porchël vëgnel araté che al mancia.

I/Les candidac/tes mëss mët süa firma jö da pe dla domanda de amisciun, zënza vëgning/vëgneres stlüt/stlütes fora.

La sotescriziun dla domanda de amisciun al concurs, che contëgn les detlaraziuns sostituëntes che vëgn fates tla domanda, é sotmetüda ales desposiziuns preodüdes dai artt. 46 y 47 dl D.P.R. di 28.12.2000 nr. 445, y porchël ne mëss la firma nia gní autenticada. La domanda de amisciun mëss gní firmada en presëenza de n/na dependënt/a inciaré/ada o, injuntan na fotocopia ince nia autenticada de n documënt d'identité varënt dl/a candidat/a.

Le/La candidat/a cun disabilité pó dé dant tla domanda, en relaziun al handicap che al/ara á, che al ti vëgnes conzedü tëmp surafora o le meso de sostëgn che al/ara arata nezesciar por dé jö les proes d'ejam (da desmostré cun documëntazion adeguada), sciöche ince damané de podëi sostituí les proes d'ejam scrites cun proes d'ejam orales por gauja de desturbs de aprendimënt spezifcs aladô dl D.P.R. nr. 487/1994.

I/les candidac/tes mëss implü, aplütert cun le termo de presentaziun dla domanda de amisciun, documenté o detlaré de avëi i zertificac o la documëntaziun che, sce ai/ares á passé le concurs, i dá le dërt de prezëdenza o preferënsa tla nominaziun, aladô dl decret dl Presidënt dla Republica di 28.12.2000, nr. 445.

Dück i documënc y titui injuntá volontariamënter ala domanda pó gní dá jö sciöche copia che corespogn al original, tla forma originala o sciöche copia autenticada sön chërta scëmpla, zënza tigní cunt de ci che é preodü por les detlaraziuns sostituëntes.

Al resta tler che i/les candidac/tes mess avëi dück i recuisic scric dant te chësta bandida y detlará tla domanda de amisciun, bele ala data de tomanza de presentaziun dla domanda de amisciun.

Les detlaraziuns falzes comporta l'escluijun dal concurs y al gnará apliché les desposiziuns preodüdes dal Codesc penal y dales leges particolares che reverda chësc argomënt.

I documënc che é bele te Ciasa de Palsa Ojöp Frëinademetz A.P.S.P. o che la medema mëss dé fora, mëss ma gní dá dant tl detai tla domanda de amisciun al concurs adöm ales detlaraziuns damanades, sciöche preodü dal art. 10 dla Lege di 04 de jená dl 1968, nr. 15, y en combinaziun cun i coma 2 y 3 dl art. 18 dla Lege di 07 d'agost dl 1990, nr. 241.

5. ESCLUJIUN DAL CONCURS PUBLICH

Dal concurs publich vëgnel stlüt fora i/les candidac/tes che:

- cun la data por la presentaziun dla domanda, preodüda da chësta bandida de concurs, n' á nia un o deplü recuisic dá dant tl punt 3,
- ne dá nia jö la domanda anter le termo fissé
- n' á nia sotecrit indortöra la domanda
- ne mët nia apost la domanda anter le termo dé dant dal'aministraziun,
- ne respetëia nia les disposiziuns sciöche da D.P.R. nr. 752/1976 art. 20 y mudaziuns.

La detlaraziun de portignëenza o agregaziun a un di trëi grups linguistics preodüda dal art. 18 dl decret dl Presidënt dla Republica di 26.07.1976, nr. 752 y mudaziun y integraciuns, pó ince gní dada jö do le termo por la presentaziun dla domanda de amisciun al concurs, sce la detlaraziun de portignëenza o agregaziun a un di trëi grups linguistics é varënta dan la tomanza dl termo revardënt.

6. PROA D'EJAM Y MODALITÉS DE ESECUZIUN DLES PROES

Cun i/les candidac/tes ametüs/des ala prozedöra de mobilité vëgnel fat en **colloquium** sura les tematiches suandëntes:

- mansciuns y competënzes spezifiches en relaziun al post scrit fora, ince tla forma de n chestionar;
- organigram y descrizion dles mansciuns;
- dërc y dovëis dl dependënt publich;

- ordinamënc generai dla Ciasa de Palsa Ö. Frëinademetz;
- desposiziuns generales sura le rapport de laur pro ènc publics.

Les dates dles proes d'ejam ti vëgn comunicades a vigni candidat/a ametü/da al concurs almanco 15 dis denant che ares mët man.

I/Les candidac/tes che ne se presentëia nia ales proes le de stabilí, vëgn stlüt/stlütes fora dala prozedöra. Chi/Chères che röia cun intardiamënt pó ciámó gní lasciá/lasciades ite ti locai olache al vëgn tigní le concurs cina al momënt dan la daurida dla busta cun le tema trat fora.

Tratan la proa scrita pól ma gní adoré dizionars, tesć de lege zënza anotaziuns o analogs sce la comisciun dá esplizitamënter le consëns.

La proa scrita y la proa orala mëss gní fates tl lingaz a chël che i/les aspiranc/tes á detlaré da ester de portignëza o de agregaziun (lingaz talian o todësch). Chësta regola ne vel nia por i/les aspiranc/tes che fej pert dl grup linguistich ladin, por chisc/chëstes resta inant la possibilité da dé jó les proes d'ejam o tl lingaz talian o todësch (D.Lgs 15 de ma 2023, nr. 65).

L'aministraziun ne é nia obliada da ti dé ai/ales candidac/tes documentaziun por i ejams.

Ales proes mëss i/les candidac/tes se présentë cun n documënt de reconoscimënt varënt.

7. GRADATÖRA Y ASSUNZIUN

La comisciun mët jó, aladô dles valutaziuns singoles totales y tolon en consideraziun les desposiziuns dades dant dal art.5 dl Test Unich aprové cun D.P.R. 487/1994 tl caje de parité de punc, la gradatöra finala di/dles concorënc/tes che á ciafé na votaziun nia mëndra de chëra minima metüda dant dala comisciun por arjunj l'idoneité tles proes.

Dedô aprovëia le Direetur la gradatöra y nominëia, aladô dl numer di posc scric fora indöt tl concurs, sciöche davagnadus/dësses i/les candidac/tes che resultëia tla medema gradatöra, tolon en consideraziun les resserves stabilides/metüdes dant da chësta bandida.

La gradatöra á na varëenza de dui agn dala data de aprovaziun.

Le/La davagnadú/dëssa mëss présentë anter 30 dis dala comunicaziun dl Direetur n zertificat dl dotur de idoneité fisica al laur preodü, zënza toma la nominaziun. Anter le medemo termo mëss le/la davagnadú/dëssa detlaré sot a süa responsabilité de ne avëi degügn d'atri raporc de laur tl setur publich o privat y de ne ester te degöna dles situaziuns de incompatibilité preodüdes dal regolamënt dl personal varënt. Ti caje contrar mëss le/la davagnadú/dëssa dé jó na detlaraziun de dezijiun por l'aministraziun nöia.

7.1 AZERTAMËNT DI RECUISIC

Dan la stipulaziun dl contrat de laur individual por l'assunziun dl/dla davagnadú/dëssa dl concurs verifichëia l'aministraziun la presëenza di recuisic detlará tla domanda de amisciun al concurs o damaná espressivamënter da desposiziuns de lege, da regolamënc o da contrac coletifs.

Sce le/la davagnadú/dëssa ne dá nia jó un o deplü documënc damaná zënza iustificaziun anter le termin, ti comunichëia l'aministraziun de ne podëi nia stlüt jó le contrat de laur individual. Pro n'assunziun en proa se röia le rapport de laur atira.

Le medemo fejun sce pro le control di recuisic scric dant vëgnel constaté l'assëenza de un o deplü recuisic.

Le Direetur dla Ciasa de Palsa, tól sö en proa i/les davagnadus/dësses ametüs/des te gradatöra aldô di posc scric fora tl concurs do avëi verifiché la presëenza di recuisic damaná por l'amisciun al sorvisc.

Le Direetur dla Ciasa de Palsa ti mëna al/a interessé/interessada tres létra racomanada cun garanzia de recioiüda l'invit da sotescrì le contrat de laur individual anter n termo de alplü 30 dis dala data de recioiüda dl invit; le termo pó te vigni caje gní proroghé por le tëmp preodü da contrat por les demisciuns dal post de laur atual y al mascim por 3 mëisc.

Dan le scomenciamënt dl sorvisc mëss le/la candidat/a nominé/ada mostré sö de avëi i recuisic damaná dala bandida, tut fora chi recuisic che vëgn desmostrá d'ofize dal'aministraziun, zënza toma le dërt de nominaziun.

Le posses di recuisic generai ne pó nia ester dé ma cun la data de tomanza dla bandida de concurs, mo ince al momënt dla sotescriziun dl contrat de laur.

7.2 APLICAZIUN DLA GRADATÖRA

La progresciun tla gradatöra en caje de atres assunziuns vögn fata esclusivamënter aladdô dl ordin tla medema gradatöra y tl respet di posc resservá por grups linguistics, considran i militars dles trëi Forzes armades anfat ai/les candidac/tes esterns.

La gradatöra por l'assegnaziun di posc scric fora vögn ince tuta ca por l'assegnaziun de posc a tëmp parzial sce al n'é de lëdi tl profil profesional revardënt y tl limit dl contingënt a tëmp plëgn. La gradatöra pó ince gní adorada por assunziuns a tëmp determiné y por sostituziuns.

7.3 CONTRAT INDIVIDUAL DE LAUR Y PERIODA DE PROA

Le contrat individual dá dant le termo anter chël che al é da tó sö efetivamënter le sorvisc.

Le/La davagnadú/dëssa vögn nominé/nominada en proa por la perioda de 6 mëisc. Tratan le tëmp de proa pó les perts se trá zoruch dal contrat zënza oblianiza de preavis o indenité. Sce l'amistraziun se tira zoruch mëssera dé dant avisa la motivaziun. La nominaziun á efet de vigni vers dal de de scomenciamënt dl sorvisc da pert dl/a davagnadú/dëssa.

Le/La davagnadú/dëssa che ne sotescrì nia le contrat de laur anter le termin dé dant o ne tól nia sö le sorvisc anter le termo preodü zënza na motivaziun iustificada vögn detlaré/ada d'ofizie sciöche renunziatar/a y chësc determinëia la tomanza dl post de laur. Te vigni caje pól gní tut en consideraziun domandes de prorogaziun dl/a interessé/interessada a gauja de forza plu alta desmostrada o de evënc strordinars che vögn ejaminá cun discreziun dal Diretur che dá dant n termo definitif, sce les esigëncies de sorvisc le pormët, y passé chësc tëmp, mët jö na detlaraziun de renunzia.

8. TRATAMËNT DI DAC PERSONAI

Aladô dl regolamënt UE 2016/679 di 27.04.2016 é la Ciasa de Palsa delibrada da damané ai/ales interessá/interessades le conséns por le tratamënt di dac, ince di dac sensibili dl/dla interessé/interessada.

9. NORMES FINALES

Prolungiamënt/prorogaziun o redaurida di termi: Por motifs de interes publich se resservëia l'amistraziun la facolté de prolungé le termo de tomanza de chësc concurs o ince de le revoché o de daurí danü i termi de tomanza do l'avëi stlüt, dagnora che les operaziuns por so espletamënt ne ais nia ciamó metü man.

Por döt ci che n'é nia preodü esplizitamënter te chësta bandida, vögnel fat referimënt ales desposiziuns de lege y ai regolamënc varënc.

La domanda de amisciun é da ciafë sola plata internet www.ciasadepalsa.it y pó gní stampada fora.

D'atri stlarimënc y informaziuns pó i/les interessá/interessades damané te secretariat dla Ciasa de Palsa Ojöp Frëinademetz (Str. Pinis 50, 39030 San Martin de Tor, tel. 0474 524700, e-mail: info@ciasadepalsa.it).

San Martin de Tor, ai 20.03.2025

LE DIRETUR
F.mé: Valentin Erlacher

sotescrit digitalmënter